



OIARTZUNGO  
UDALA

## AUZO BILERAK 2023

### AUZO: GURUTZE

Data	Hasiera ordua	Bukaera ordua
2023/10/19	19:00	20:45

### BILDUTAKOAK:

<b>Udal ordezkariak:</b>	Joana Mendiburu, Oihana Irastorza, Agustin Lekuona eta Ibon Mitxelena		
<b>Herritarrak: 15</b>	Euskaraz: 12		Elebitan:2
	Emakumezkoak:10		Gizonezkoak:5
	<30 urte: 0	31-50 urte:3	51-65 urte:8

### AKTA:

Gaia	Ekarpena eta iruzkinak
<b>Aurkezpena</b>	Batzarrean zehar landuko den gai zerrenda azaldu da.
<b>Legealdirako proiektuak</b>	<p>Lan ildo nagusi edo estrategikoen berri eman dugu</p> <p><b>ABIAPUNTUA</b></p> <ol style="list-style-type: none"><li>1) Aurreko legealdietatik jaso duguna oso baikorra izan da, eta horrek lagundu egiten du: herriak udalean duen konfiantza, zorrik gabeko udala izatea, talde polita sortu dugu, teknikariek zinegotzietatik izan duten harrera oso ona izan da. Proiektuen aldetik ez gara zerotik hasi, aurreko taldeak egindako lanaren jarraipena egingo dugu.</li><li>2) Herritarrekin lan egiteko formula berriak bilatu behar ditugu, abiapuntua auzolana izango litzateke, UDALGINTZA HERRIGILEA, arriskuak aukera bihurtzeko udal politika. Herritarrak dira protagonista, udalak baliabideak jartzen ditu, baina ondoren sektore ekonomiko bat egon behar da bultzada emango diona.</li><li>3) Hauteskundeak irabazi ditugu, eta programan hitz emandakoa bete egin behar dugu.</li><li>4) Krisi egoera orokor batean gaude, baina horren aurrean Oiartzundik bertatik egoerari buelta ematen hasi beharko genuke</li></ol>



OIARTZUNGO  
UDALA

### **LEGEALDI PLANA**

3 lan-lerrotan banatuta dago: herritarrak (ongizatea, kultura, euskara, ongizatea...), lurraldea (lurraren zein herriaren antolaketa) eta antolaketa (udaletxearen funtzionamendua eta zein giza-baliabide dituen)

### **LAN ILDO ESTRATEGIKOAK**

- 1) ELIKADURA BURUJABETZA: gaur egun, udalak laguntzen dituen hainbat egitasmo daude martxan. Udalak hasierako bultzada eman die elkarte hauei, eta ondoren beren bidea egin dute. Herriko lurrak erosten jarraituko dugu 1.sektorea bultzatzeko, herriko sukaldeak hornitu nahi ditugu herrian bertan ekoiztutako jakiekin (herriko ikastetxeak, zahar etxea...). Herrian badaude ekimen ugari beren kabuz proiektuak bultzatzen ari direnak, baina ez dute foro komunik elkarlanean aritzeko.
- 2) ENERGIA BURUJABETZA: sortu berri da Argitturri kooperatiba (hiruki horren parte den zutabe sozioekonomikoa). Udal mailan zein herri mailan neurriak hartu behar dira klima aldaketa dela-eta.
- 3) MUGIKORTASUN JASANGARRIA: herrian ohiturak aldatzen hasi behar dugu. Bizikletak lehenesteko plana egiteko asmoa dago (aparkalekuak...). Beste asmo bat da Arraguan intermodala eskatzea, oiartzuarrok aukera izan dezagun Euskal Herriko hainbat lekutara joateko: Gasteiz, Bilbo, Iruñea...
- 4) OSASUNA ETA ZAINTZA: Zaintzadi programaren inguruan hitz egin dugu, bakardade ez hautatuan dauden herritarrak laguntzeko egitasmoa da. 22 herritarrek eman dute dagoeneko izena ekimen honetan. Zaintzadiren ideia da udalak laguntzea, baina herritarren sare baten laguntzarekin batera. Zaintza askotan osasun arazoak konpontzearekin lotuta egoten da, baina udalaren ardura da bizitza aktiboa sustatzea, bakardadeari laguntzeko modua ere baita horrelako ekimenak antolatzea.
- 5) KULTURA EUSKARAZ: bizi ditugun garaiek euskalgintza hauspotzeko beharra erakusten dute (etorkinak, euskararen aurkako erasoak...).



OIARTZUNGO  
UDALA

	<p>Landetxe dagoeneko eraiki dugu, eta orain kultura plana egiteko momentua da. Gazte sortzaile ugari dugu herrian. Irakurzaletasuna sustatzeko aukera berriak aztertuko ditugu. Ondarea balioan jarriko dugu, eta udalaren lokalak eskura jarriko ditugu herriko kultur-sorkuntza bultzatzeko.</p> <p><b>LEGEGINTZALDIAN MARTXAN DIREN ETXEBIZITZA SUSTAPENAK:</b> Altzibar zein Iturriozko promozioen berri eman da. Elizaldeko Urkabe Baitako eremuaz hitz egin da. Babes ofizialekoetan interesa izanez gero, Etxebiden eman behar da izena, eta Altzibarreko tasatuetarako urriko plenoan irekiko da izena emateko epea.</p> <p>Udal etxebizitza bulegoaren inguruko informazioa eskaini da.</p> <p>Herritarrek Ormazabal inguruko eraikuntza proiektua zertan den galdetu dute</p> <p><b>UDAL ORDENANTZEN IGOERA:</b> %1,5 igoko dira tasak. Udalak sekulako ahalegina egin du azken urteetan ez igotzeko. Hala eta guztiz ere, KPIa baino gutxiago igo dugu gure herrian, azken batean, oreka bilatu behar dugu kalitatezko zerbitzuak izateko.</p>
<p><b>2024ko aurrekontu aurreikuspena</b></p>	<p><b>AURREKONTUA</b></p> <p>Lan ildo eta erronka hauentzat 20.200.000 euro ditugu. Arloz arlo ondorengoa izango da banaketa: Herritarren arloak %49, lurraldeak %36 eta antolaketak %15.</p> <p>Honakoak izango dira <b>inbertsio nagusiak:</b> mugikortasuna (bidegorri sarea, aparkaleku seguruak), energia (efizientzia energetikoan pausuak eman, energia berriztagarrien instalazioak), liburutegia birdiseinatu, herritarrentzako arreta gune bakarra jarri udalean, futbol zelai artifizial berria, udal eraikinen mantenua, hirigintza (Urkabe baitako etxeak eta Altzibarko promozioa), kulturgintza (kultura plana landu eta Landetxe erreferente</p>



OIARTZUNGO  
UDALA

	<p>bihurtu), ongizatea (bazterkeria egoeran dauden pertsonentzako eguneko zentroa).</p>
<b>Auzoa</b>	<ul style="list-style-type: none"><li>· <b>Oiartzungo poligonoetako kamioien aparkalekuari dagokionez, sortzen zaborra izugarria da eta enpresei tasak igotzea pentsatu dugun galdetzen du auzotar batek. Baiezkoa erantzun da. Lan talde bat dago horretan lanean.</b></li><li>· <b>Auzotar batek gastuen azalpenetan errekek garbitzeko partida ez aipatu izanak atentzioa deitu dio. Garrantzitsua dela aipatu du.</b></li><li>· <b>Añarbeko depuradoratik usain txarra dator. Auzotar batek dio Añarbeko tekniko batek esan zula depuradora hori gaizki egina dagoela. Daukan nibela baino baxuago dago. Ur gutxi dagoenean usaia dago. Ur zikinak birziklatzeko ez dio denborarik ematen. Animaliak eta hor edaten dutenez, arriskua dago zerbait gertatzekoa. Egunero etortzen dira Añarbetik baina gauza ez da aldatzen. Horren konponbidea omen da: “udalera deitu eta kexatu eta udalak Añarberi presionatu”. Depuradora egin denetik ura zikinagoa datorrela diote. Azterketa sakon bat egiteko eskatzen dute. Ez dakite nork egin beharko duen, Añarbek edo beste erakunderen batek. Udalak gaia Añarbera eramango duela esan du.</b></li><li>· <b>Oiartzungo <i>restopeko</i> aparkalekuko argiteria “kutsakorra” delakoan aldatu dezakegun galdetzen du auzotar batek. Kontsultatuko dela erantzun du Udalak. Parking hori Bidegiren eskuduntza da eta ez Udalarena.</b></li><li>· <b>Mugikortasunari dagokionez, bidegorriari erlazionatua: Gurutzetik Maldabururainoko bidegorri bat egitea proposatzen dute.</b></li><li>· <b>Learren bizikletentzako aparkamendua egiteko proposamena luzatu du udalak baina erabilera txikia izango duela uste dute auzotarrek.</b></li><li>· <b>Bidegorriko behealdean ez dago zuhaitzik ezta iturrik ezta bankurik ere eta eguraldi eguzkitsua dagoenean bero izugarria pasatzen da. Zuhaitz, iturri eta bankuak eskatzen dituzte. Udalak aztertuko duela esan du.</b></li><li>· <b>Beloagaren kasuan, azken aldapa oso txarra omen da. Irristakorra omen dago oso. Udalak aztertuko duela esan du.</b></li><li>· <b>Landetxeko erretiratuentzako bazkariaren prezioa garestia dela dio auzotar batek. Donostian, 9€ ordaintzen omen da eta Oiartzunen 11,20€.</b></li><li>· <b>Errotonda pasatzen duten autoen abiadura izugarria omen da, dio auzotar batek. Arkaletik datozen kotxeak <i>eskapadak</i> egin omen dituzte. Radar pedagogikoa jartzea planteatuko dela jakinarazi du Udalak. <b>Auzotarren artean sinadura bilketa egin dute errotondaren arazoa konpondu dadin. Sinadura bilketa udaletxean ez ezik Aldundian ere sartzeko proposamena luzatu du udalak. Aldundian kexa sartzeko oso garrantzitsua dela azpimarratu da.</b></b></li></ul>



OIARTZUNGO  
UDALA

	<ul style="list-style-type: none"><li>· <b>Elkartetik aparkalekura doan zebra bide bat eskatu dute.</b> Udalka eskaera Aldundiari egingo duela jakinarazi du.</li><li>· <b>Tokitik gora doan herri bidean kotxeak (baimenduak ezik) ezin dute sartu (debekatua dagoenaren kartela dago).</b> Zergatik debekatu den galdetzen du auzotar batek. Beloagara doazen kotxeen pilaketak ekiditeko egin dela esan du Udalak, izan ere, ohitura handia dago kotxearekin <i>atariraino</i> joatekoa.</li><li>· <b>Bidegorriak auzoko beharrak ez dituela betetzen esan du auzotar batek.</b></li></ul>

#### BALORAZIO ORRIA:

Hizlariak: bileran zehar emandako azalpenak	8,92
Bilera ongi gidatu da	9,08
Bileran erabili den metodologiaren egokitasuna	8,92
Auzotar kopurua	7,50
Auzotarren partehartzea (ekarpenak egiten)	7,73
Saioa probetxugarria izan al da?	9,00
Egunaren egokitasuna	8,58
Orduaren egokitasuna	8,92
Lekuaren egokitasuna	9,67